


Tukko kentosko tšimb

Kenti tšuuvela pengo tšimbako hajiba teele dženom lengo angluno triin berhesko tiija. Joon barjila lengo tšimb langhtes sikide douva kaana joon byryla kokares rakkaven. Tu sar phuuride hin doolesko khaal muut fuortuno (spesiaalo) stedos. Rakke, džambe, sanja ta draba tukko kenteha! Rakke tukko dako tšimbeha. Kentes hin vojime te sikjuves muut tšimbe it tiijaha.

Bokstart (Liinesko byrjiba) hin themmuno alsiba, so hin tšerto beska kentengo (0-3 berh) phuuridenge ta bare komujenge koonen hin aro kentengo neeriba, dooleske te joon siigo tiijaha džorjavenas kentengo tšimbako sikjibosko barjiba. bokstart.se



Bokstart

Douva byrjyla tšimbessa

Soske douva hin fuortuno te tšeeres butti kentosko tšimbako sikjibiessa? Dooleske, te tšimbako hajiba dela botnos saare sikjibosko buttiake. Ta tšimbako hajiba džorjila pinsiba ta kamjiba maħkar tuut ta tukko kentos.

Pherja apre tšimbako hajiba

Pherja apre tšimbako hajiba. Sikide douva kaana kentosko rakkibosko hajiba byrjyla laavensa, joon rakkavena jakkes te joon tšeerena lyiji, sikavena pesko angušjeha ta lengo ħunnibiessa. Tšeer ithlaaga lyiji sar joon, svaaraven lenge laavensa, elle loħano muodako dikkibiessa.

Rakke dotta so tumen tšeerena

Rakke dotta so tumen tšeerena tšetanes, sar thouves peen elle tšinnes ħaabe. Jakkes kentos rikkila pesko ħunniba doi, so tu phenneha leske, ta douva tšeerela leske lokkide te sikjuves neeve laave.

De kentoske neeve laave

Phen duites (pappales) douva so kentos phennela ta tšu praal iek par neeve laave. Kaana kentos phennela: ”Dik tšeer” tuut hin vojiba te phennes ”Eija, dik savo baro dželto tšeer”. Phen neeve laave aro froojime sankibi. Tuut hin vojime te phennes: ”Kaan ame džuusavaha. Džuusavaha pherjibosko guose! Dik, daad džuusila. Kammehako tu jelpaves maan te džuusaves?”

Sika džorales

Sika džorales tukko truppeha, muodako dissibi ta lyijako förjaha. Douva jelpila kentos hajuves lokkide. Tuut hin vojime te sikaves vasteha sar baro saaka hin. Elle sika sar tuut hin ħieliba kaana saaka hin ħielo. Džorja džintimessa fuortune neeve laave. Naaluno merkneha ”Dikkehako tu jangakiiro?”

Tšu puħħibi

Tšu froojime ħlaaga puħħibi. Tuut hin vojiba te stellet puħħibi sar ”Kai hin vaaliija?” Taala kentos hin vojiba te svaaraves angušjako sikibiessa. Ke kentos naa svaarila, tuut hin kokares vojiba svaaraves – taala tu sikaveha sar laave hin vojime te phennes.

Phen ”Me undravaa”

Duito var te phennes ”Hinko graies bok?” tuut hin vojiba ta hin tšihkide te phennes ”Me undravaa so grai tšeerela?” Jakkes aavela puħħiba butide phirro, ta tu leha kentos rakkaves butide.

